



**TERTIB ACARA KEBAKTIAN MINGGU  
GKPS P.BULAN-RESORT POLONIA MEDAN  
Minggu V Dob Trinitatis, 12 JULI 2020**



**TOPIK: "HAROSUHKON MA PANGAJARON"**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>

**1. *Votum – Introitus – Tonggo***

**P.** Riap ma hita jongjong!

Ibagas goran ni Naibata Bapa, pakon Tuhan Jesu Kristus ampa Tonduy Napansing, Sitompa langit pakon tanoh on. Amen.

Ai pintor do Hata ni Jahowa, anjaha sintong do sagala pambahenan-Ni. Holong do uhur-Ni bani hapintoron ampa uhum. Idop ni uhur ni Jahowa do manggoki tanoh on (*Psl.33:4-5*) Halleluya, halleluya, halleluya!

**K.** (*Mandodingkon*) Halleluya, Halleluya, Halleluya!

**P.** Martonggo ma hita!

Tarimakasih ma isombahkon uhur nami hu Bamu Tuhan, na margogoh manramotkon ronsi na pasisirhon haluahon hu bennami Kuria-Mu. Pasu-pasu Ham ma hanami bani na roh hanami marsombah hu-Bamu. Sai patotap Ham ma holong-Mu mamasu-masu hanami haganup Kuria-Mu, ase marbanggal domu hubani harusuh ni uhur-Mu. Ipuji hanami ma Ham, marhiteihonni Tuhan Jesus Kristus, Sipaluah hanami. Amin.

(*hundul kuria*).

**2. *Mandoding 404. Ganup Ari do in (1+2)***

1. Ganup ari do in, ronsi tahun hu tahun,

Sihol do hudodingkon Goran mu.

Ham Tuhan Naibata, sai hupuji do Ham,

halani haganup layak-Mu.

Ham arta naharga, poltik hujolom in,  
humbani nahinan Ham do tong Naibatangkin.

Bonani na dear, ronsi sadokah nin.

Panondang na liar, bai ganup nagolap in.

2. Hatamu do Tuhan, hupindah nuan,

bahen suluh bai pardalankin.

Pitah Ham dansa in, na mambotoh ijin,

Aha na huporluhon Tuhan.

Ham arta naharga, poltik hujolom in,

humbani nahinan Ham do tong Naibatangkin.

Bonani na dear, ronsi sadokah nin.

Panondang na liar, bai ganup nagolap in.

**3. *Hasasapan ni Dousa***

**P. Riap ma hita jongjong**

Martonggo ma hita, sopotkon hita ma dousanta hubani Tuhan Naibata!

Ham Jesus Kristus Raja ni kuria in. Ihatahon Ham do, hubani susian-Mu ampa hubennami, ase gabe garam pakon panondang hanami. Malas tumang do uhurnami manjalo ondos-ondos-Mu in, na gabe tanggung jawabnami i dunia on. Tapi anggo jujur hanami i lobei-Mu, gati do hanami lolei mandalankon in, halani hagalekon ampa hurang ni haporsayaonnami hu Bamu. Gati do lang mardai janah lang mararti goluhnami dampak masyarakat janah ra do hanami use ipengaruhi na masa, mambahen taruyun hubani na so mader. Age sondang malas ni uhur ampa haluahon, gati do lang gara hubennami dampak hasoman ampa masyarakatnami. Ra do miloh suluh ni haporsayaonnami halani doras ni logou ni tanoh on. Bani haganupan in Tuhan, sasap Ham ma dousanami. Pargogohi janah paruhuri Ham ma hanami kuriaMu ase boi hanami gabe halak kristen na missioner marhitei goluhnami i dunia on. Ibagas Jesus Kristus Sipaluah hanami, balosi Ham ma hanami. Amen!

..... *hening* .....

**P.Tangar hita ma Hata ni Naibata, bagah-bagah pasal hasasapan ni dousa.**

Paridop ni uhur anjaha pardear layak do Jahowa, nanget manringis anjaha paridop ni uhur banggal. Seng ibahen hubanta romban hubani dousanta, anjaha seng ibalashon banta romban hubani hajahaton. Songon idop ni uhur ni bapa bani niombahni, sonai do idop ni uhur ni Jahowa bani sagala na manghabiari-Si. **Hasangapon ma bani Naibata i babou.**

**K.** Amen! (*hundul kuria*)

**4. Mandoding 234. Tandai Ham ma Au (1+3)**

1. Tandai Ham ma au, pareksa Ham pakon uhurhu,  
Uji Ham au, papangkei ham pakon dalanku!  
Itandai Ham do au on, O Tuhan.

3. Sai tatap Ham au, 'se tambah haporsayaonku;  
Togu Ham au, hu surga papintor langkahku.  
Halani Anak-Mu in, Naibata.

**5. Hata Haporsayaon**

**P. Riap ma hita jongjong!**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

**P+J.** Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsaoan ni sagala na mapansing in, bani hasasapan no dousa,

bani parpuhoon ni angkula, pakon bani hagoluhan na sadokah ni dokahni.  
Amen! (*hundul kuria*)

**6. Tingting + Tonggo Pangapition**

**7. Mandoding 205. Hata ni Jahowa (1+4)**

1. Hata ni Jahowa Sipadamei jolma, hagoluhan in  
In malas ni uhur, na mangapoh uhur namarhoru in  
Gogoh ni Naibatangkin, paluahkon na porsaya humbai ganup

4. Hata hagoluhan do nuan iboan Parambilan in  
Na lampot tangaron, in do iberehon bai uhurta in  
Ipodahi hita on ihatahon bei do hita paubah uhurta

**8. Ambilan: Lukas 6: 39-42**

**9. Manggalang: (Roh ma na patumpuhon galangan hu lobei.)**

**P.** Paima iondoskon hita galanganta, jaloonta ma hata ni Naibata na gabe onjolan banta laho manggalang na tarsurat bani Psalmen 50:23: "ise na manggalangkon banggal ni uhur, ai do na pasangapkon Ahu, anjaha ise na mardalan ibagas hapintoron, hu Bani do patalaron-Ku hatuahon-Ku.""  
**Sonari patumpu hita ma galanganta.**

Betapa hatiku  
Berterima kasih Yesus  
Kau mengasihiku  
Kau memilikiku

Hanya ini Tuhan persembahanku  
Segenap hidupku jiwa dan ragaku  
Sebab tak kumiliki harta kekayaan  
Yang cukup berarti  
Tuk ku persembahkan

Hanya ini Tuhan permohonanku

Terimalah Tuhan persembahanku  
Pakailah hidupku sebagai alatMu  
Seumur hidupku

maidop ma uhurni mangidah hita (ham), idompakkon Tuhan Naibata ma bohi-Ni hu banta (bamu), janah ipasorap ma damei-Ni hu bani tonduy ta(mu). Amen!!

**P/K. (Mandodingkon)** Amen. Amen. Amen

**10. Tonggo Galangan – Panutup – Pasu-pasu:**

**P.**Riap ma hita jongjong!

Martonggo ma hita mangondoskon galanganta hubani Tuhan Naibatanta: Ibagas uhur na martarimakasih roh do hanami marsombah hu-Bamu Tuhan, irik padaskon galangan bangga ni uhur nami hu-Bamu. Idop ma uhur-Mu Tuhan, jalo Ham ma hanami riap ampakon galangan nami on. Sai lambin pasu-pasu Ham ma homa goluh nami, sonai age gogoh nami laho mangirikkon Ham. Pinuji ma goran-Mu! Pasu-pasu Ham ma Kuria-Mu ija bei pe marianan, sonai age bangsa pakon nagara nami, bani buei tantangan ampa hamaholon na idompakkon hanami. Urupi janah-pasu-pasu Ham ma hanami ale Tuhan. Jalo Ham ma tonggo pangindoan nami on na ipadas hanami ibagas Tuhan Yesus Kristus Sipaluah hanami, Amen.

**P/K. (Mandodingkon Hal.281:5)**

Bamu, o Tuhan manambah au on  
Bamu ganupan na dong bangku on  
Seng bulih be sirang na rapat Bamu  
Martuah sai sonang na roh hu Bamu

**P.**Ham Bapanami na i nagori atas. Sai napapansing ma goran-Mu! Sai roh ma harajaon-Mu. Sai saud ma harusuh ni uhur-Mu i nagori tongah on songon na i nagori atas! Bere Ham ma bannami sadari on hagoluhan ari-ari. Sasap Ham ma dousanami songon panasap nami bani dousa ni hasoman na mardousa dampak hanami! Ulang hanami bobai Ham hu parlajouan! Paluah Ham ma hanami hun bani pangagou!

**P/K. (Mandodingkon)** Ai Ham do simada harajaon, pakon hagogohon ampa hasangapon sadokah ni dokahni. Amen.

P.Laho ma nasiam, janah “Ulang ma surut ringgas ni uhur nasiam, hinsah ma ibagas Tonduy, sirsir ma mambalosi Tuhan in”. Jalo nasiam ma pasu-pasu humbani Tuhan Naibatanta: “Ipasu-pasu anjaha iparorot Tuhan Naibata ma hita (ham), isondangkon Tuhan Naibata ma bohini hu banta (bamu) janah